

PEMBERITAHUAN PERTANYAAN BAGI JAWAB LISAN
DEWAN RAKYAT MALAYSIA

PERTANYAAN : **JAWAB LISAN**

DARIPADA : **DATO' SERI MOHAMED AZMIN BIN ALI**
[GOMBAK]

TARIKH : **16 MEI 2016**

SOALAN : **Dato' Seri Mohamed Azmin bin Ali**
[Gombak] minta **MENTERI LUAR NEGERI** menyatakan apakah terdapat pencerobohan kedaulatan Malaysia oleh China seperti yang terjadi kepada Indonesia di Laut China Selatan dan apakah pendirian Kerajaan vis-a-vis China berhubung situasi kedaulatan negara di Laut China Selatan.

JAWAPAN: YB SENATOR DATO' SRI ABDUL WAHID B. OMAR,
MENTERI DI JABATAN PERDANA MENTERI

Tuan Yang di-Pertua,

Untuk makluman Ahli Yang Berhormat, BFR Institute Sdn Bhd adalah sebuah institusi yang mengadaptasi metodologi “*Big Fast Result*” (*BFR*) yang bermaksud **keberhasilan besar yang pantas dan serta-merta**. Ia merupakan satu pendekatan yang sistematik dan berstruktur yang berasaskan diagnosis, perancangan, pelaksanaan dan maklum balas yang jelas; dilaksanakan secara bertahap bagi memastikan setiap langkah adalah telus dan mempunyai akauntabiliti. Metodologi ini, telah diterapkan dengan jayanya untuk pelaksanaan NTP, dan ia diaplikasikan bersama-sama dengan Petunjuk Prestasi Utama didalam kalangan Kementerian, Mesyuarat Jawatankuasa PEMANDU dan Metodologi Penyelesaian Masalah bagi merealisasikan transformasi serta menambah baik proses berkaitan tadbir urus dan pelaksanaan keseluruhannya. Ia juga adalah suatu kaedah yang digunakan bagi menilai setiap inisiatif yang dijalankan agar mempunyai matlamat yang realistik mengikut kesesuaian faktor persekitaran yang merangkumi sosial dan ekonomi.

Untuk makluman Yang Berhormat, kaedah ini telah berjaya menarik minat negara-negara luar kerana keberkesanannya di dalam menangani isu social ekonomi di Malaysia. Oleh itu, BFR Institute Sdn Bhd telah ditubuhkan dengan tujuan untuk memberi nasihat kepakaran dan khidmat rundingan mengenai konsep, idea serta metodologi yang sama di luar negara. Khidmat nasihat kepakaran dan perundingan luar negara

ini dibiayai sepenuhnya oleh negara-negara yang berkenaan, dan tidak sama sekali dibiayai oleh Kerajaan Malaysia.

Yang Berhormat, BFR Institute adalah merupakan sebuah anak syarikat yang tertakluk kepada Akta Syarikat 1965 [Akta 125] di bawah PEMANDU Corporation (*iaitu “special purpose vehicle” kepada Unit PEMANDU yang merupakan syarikat berhad menurut jaminan Kerajaan*). Matlamat BFR Institute adalah untuk mengembangkan peranan, serta aktiviti PEMANDU dengan lebih meluas; serta menjalankan projek-projek khas dan khidmat rundingan kepada pihak luar khususnya di peringkat global. Setakat ini, BFR Institut telah memberikan khidmat kepada negara Tanzania, Afrika Selatan dan India.

Untuk makluman Yang Berhormat, Global Transformation Forum (GTF) adalah merupakan satu platform antarabangsa hasil usaha Kerajaan Malaysia yang bertujuan mengumpul dan menemukan pemimpin-pemimpin kerajaan, pembuat dasar utama, ketua-ketua industri dan organisasi global serta pakar-pakar antarabangsa di dalam bidang masing-masing dan pihak berkepentingan untuk berdialog secara kolektif, berkongsi pengalaman dan pandangan dan menggalakkan perkongsian amalan terbaik peringkat global serta pemerhatian mereka mengenai bagaimana pendekatan transformasi sosio-ekonomi global yang berkesan boleh dibentuk. Matlamat GTF 2015 adalah untuk membangunkan satu keazaman transformasi untuk menangani isu-isu sosio-ekonomi utama yang boleh memberi kesan kepada negara-negara di seluruh dunia.

Kerajaan juga yakin dengan penganjuran GTF 2015 sekaligus dapat mempertengahkan Malaysia sebagai sebuah *emerging country* yang mempunyai peluang yang besar di peringkat global yang memacu

program trasformasi sebagai satu titik tolak kepada pembaharuan demi mencapai cita-citanya untuk memperoleh status negara maju yang berdaya saing pada tahun 2020.

Forum antarabangsa ini telah mendapat peruntukan khas sebanyak RM10 juta daripada Kerajaan untuk menanggung kos operasi yang terdiri daripada kos perbelanjaan mengundang para penceramah antarabangsa yang disegani termasuk ketua-ketua negara, penceramah bertauliah dan individu-individu tertentu yang menggalakkan inspirasi peribadi, serta pameran transformasi yang melibatkan negara-negara seperti Tanzania, Afrika Selatan, India dan juga badan-badan korporat. Walaubagaimanapun, kos ini adalah dilihat kecil jika dibandingkan dengan peluang-peluang mempromosikan metodologi BFR yang telah membawa hasil dan impak positif yang berkesan kepada negara. Justeru itu, GTF juga dapat mengembangkan keyakinan negara luar terhadap perkembangan sosial ekonomi Malaysia dan minat yang ditunjukkan oleh negara-negara membangun yang lain terhadap Malaysia, yang kami pasti dapat dijana atas platform ini hasil usaha perkongsian daripada para peserta dan pihak yang berkepentingan dari dalam dan luar negara. Kerajaan percaya GTF dapat mendatangkan impak besar dan positif kepada Malaysia di arena antarabangsa dari segi ekonomi maupun sosial.

Sekian, terima kasih.